

續滕縣志

卷五

呂式斌署



聯羅金尺卷

空甫



甲申閏四月刊
於北京法源寺

續滕縣志卷五

邑人生克昭編輯

天津王 襄

東莞容 庚參訂

膠西柯昌泗

金石第六

鄭樵論求書之道有八三曰因地以求其道可通於金石蓋地少則求之易周也清代地志多載金石始于康熙五十七年魏嶠編纂錢塘縣志厥後李文藻孫星衍洪亮吉武億張埴諸人皆專力於此阮氏撰山左金石志自商周至元得千三百餘件

續滕縣志

卷五

一

采獲所得既博且精吾邑爲春秋時滕薛小邾郟故封古彝器時出于土漢代石刻畫像亦多發見可補阮氏所未及箸錄吾邑元以前碑刻較多者除阮氏外尚有段松苓山左碑目吳式芬金石彙目分編法偉堂山左訪碑錄闕名山東古物調查表四書阮氏于唐二種錄其文後唐至元十一種載其目段氏錄已見者十四種待訪者二十七種末二種不詳其年代吳氏略同于段氏而增已見者一種減待訪者三種法氏錄自阮氏無足取者調查表錄三十二種亦有異同其漢建始元年殷微子墓碑未足信據邑人王東槐已辨之茲編于唐以後碑刻大抵刪補各家之目而成并及明代碑文繁冗不能盡錄也

周魯伯愈父簋一 銘十二字



魯白伯俞父

乍作姬孕匱簋

其萬年眉

壽永寶用

清道光十年城東北八十里鳳凰嶺溝澗中出魯伯愈父諸器所見簋三鬲五盤三匜一

周魯伯愈父簋二 銘十二字



同前


周魯伯愈父簠三 銘十二字



同前

周魯伯愈父鬲一 銘十五字





魯白^伯 愈父^乍 龕^邾 姬^媵 羞鬲其永寶用


餘三器銘同未錄


續滕縣志

卷五

四

周魯伯愈父鬲二 銘十四字





魯白^伯 愈^乍 龕^邾 姬^夔 夔^夔 羞鬲其永寶用

視前器銘無父字

續滕縣志

卷五

五

周魯伯愈父盤一 銘十五字



魯白^伯 愈^乍 夔^夔 沫

龕^邾 姬^夔 夔^夔 沫

般^盤 其永寶用

周魯伯愈父盤二 銘十五字



同前

愈作俞與前器少異餘一器見于攔古錄以未見拓本未錄
天津王襄云 與殷契 字略同即古沫字說文解字
沫洒面也此字正象注水于盤濡首之形 象人也

續滕縣志

卷五

六

周魯伯愈父匜 銘十五字



魯白_伯愈父_作
匚_邦 姬 朕_滕 沫
它_匚 其永寶用

周邾義伯鼎一 銘三十二字



同前

周寺伯鬲一 銘八字



寺白 伯乍 作口中 仲 姬羞鬲

周寺伯鬲一 銘八字



周寺伯鬲三 銘八字



餘一器銘泐未錄

周孟弼父作幻伯簋一 銘蓋器各二十字



孟弼父作作幻白伯

蓋

口膳

膳

殷

簋

八其萬

年子二孫二永寶用



器 同前

容庚云殷字宋人釋為敦然儀禮所載敦之數不過四至于八簋則詩禮屢言之如詩伐木陳饋八簋禮記明堂位周之八簋祭統八簋之實儀禮聘禮八簋繼之公食大夫禮上大
夫八簋是也此器亦云殷八可證殷之為簋

周孟弼父作幻伯簋二 銘蓋器各十八字



孟弼父乍作幻
蓋 白伯賡設簋其萬
年子二孫二永寶用

此蓋邑人高延柳所藏

周孟弼父簋一 蓋銘泐器銘十六字




器 同前



孟弼父乍作寶
器 設簋其萬年
子二孫二永寶用

周孟弼父簋一 銘蓋器各十六字



蓋
同前

器
同前

續滕縣志

卷五

十二

周京叔盤 銘十四字




京叔乍作孟
 嬴盤 膳 殷 盤 子 二
 孫 二 永 寶 用

周京叔匜 銘約十二字



周夆叔盤 銘三十六字



佳^唯 王正月初吉丁

亥^聿 弔^叔 乍^作 季妃盥

般^盤 其眉壽萬年永

儵^保 其身它^二 配^二 壽老

無^暮 期 永^儵 保 用之


周夆叔匜 銘三十六字



同前

民國初年夆叔三器同出于邑中上為匱中為敦下承以盤
敦無銘匱銘亦稱為盤其形制匱敦二器見于容庚善齋彝
器圖錄盤一器見于羅振玉貞松堂吉金圖

周薛侯鼎 銘九字



王國維云 字舊釋為胥余謂此薛國之本字也其字所从
之 卽說文𠂔字其音古讀如薛此字从月𠂔聲與薛字从
艸薛聲同而脞侯匱言脞侯作 妊 媵匱則脞為任姓之
國其為媵薛之薛審矣

周薛侯盤 銘二十字



勝 薛侯乍作叔妊口

朕 般 盤 其眉

壽 萬年子二

孫 二 永寶用

周薛侯區 銘二十字



孫 二 永寶用

壽 萬年子二

朕 賡 它 區 其眉

勝 薛侯乍作叔妊口

銘文由左至右年字添注于子字之左

周滕虎簋一 銘蓋器各十四字



滕虎敢肇乍作

蓋 畢厥皇考公命

中仲寶尊彝

蓋銘由右而左器銘由左而右



器 同前

王國維云經典滕薛皆作滕从水朕聲此从火朕聲卽滕薛之滕字也禮記檀弓上滕伯文爲孟虎齊衰其叔父也爲孟皮齊衰其叔父也然則虎爲滕伯文叔父其父本是滕君此殷之滕虎卽檀弓之滕孟虎之證亦滕卽滕字之證也鄭注檀弓以伯文爲殷時滕君今觀此殷文字乃周中葉以後物

然則此殷不獨存滕薛之本字亦有裨於經訓矣

周滕虎簋二 銘蓋器各十四字



蓋 同前



器 同前

周滕侯盥蓋 銘二十字



滕 滕侯 餗乍 作 畢 厥 文
考 滕 滕 中 仲 旅 設 簋 其
子 二 孫 萬 年 永 寶 用

案此乃盥蓋而銘云簋以其用略相同也

續滕縣志

卷五

十九

周滕侯耆戈一 銘五字

滕 滕侯 耆 之 船 造



周滕侯書戈二 銘五字

同前



山西崞縣
梁上椿蕪

續滕縣志

卷五

二十

周滕侯戾戈 銘六字

滕 侯戾之戾 造錢 戈



羅振玉云此戟文曰滕侯吳之造戟與滕侯耆戈並出山左
滕侯吳與耆之名賴此知之

周滕之不悉劍 銘六字



周邾友父鬲 銘十六字





菴邾奢友父朕 其子口媵寶鬲其眉壽永寶用

吳式芬攬古錄金文云案友父小邾子始封君也本名友稱友父即字矣此如周公旦稱叔旦魯公伯禽稱禽父例也出邾挾之後夷父有功於周周封其子友於邾為附庸即友父也春秋莊五年邾犁來來朝則書國矣僖七年小邾子來朝則書爵矣皆友父後此鬲銘祇作邾友父者於時尚未受封也友字與太史友甗友字同賸其子 媵寶鬲者其子即其女也禮經稱女子子是矣 媵蓋其子之字也 許瀚云此器是邾國媵女器也禮女亦稱子媵則其子之名集韻媵女字也惜媵上字剝蝕過半不可識耳近新泰出杞伯器多種其敦銘曰杞伯每 作邾媵寶敦其壺銘曰杞伯

每 作邾婁寶壺筠清館金石錄載壺銘而誤釋爲豆又以
 婁爲邾君名云杞作器以遺鄰國余審其非是定爲邾女適
 杞字婁故杞爲作器今得此銘乃恰與鄙說相證明且以知
 婁之父字友金石古文千載而下忽如相聚一堂詢其家世
 姓字歷歷不爽幸何如也字畫與杞伯器略同蓋兩家婚媾
 書牘並出一手未可知也邾自儀父克始見于春秋終八世
 無字友者而杞自桓公而下亦無每 名漢書地理志雍丘
 注云故杞國也先春秋時徙魯東北新泰正在魯東北然則
 此兩國造器在春秋前矣


周邾婁高 銘八字



邾婁口母鑄其羞高

吳式芬攬古錄金文云案春秋莊五年邠犁來來朝杜注附庸國也東海昌慮縣東北有邠城今案晉昌慮城在滕縣東南六十里邠城在縣東六里小邠子之國邠友分封爲附庸後進爵爲子也邠字不見於字書蓋女姓也此邠始是邠國之婦故稱邠始也爲母鑄鬲如厯姑之爲父母作敦之類婦女作器其文字恆簡禮所謂無外事也

蟻鼻錢



邑治南薛城出蟻鼻錢卽銅製之古貝上有文字難識多爲古肆估人搜去此爲邑人楊知性所藏

漢龍驤將軍印

清光緒時邑人高熙柱在邑治東南羊莊即昌慮城掘得龍驤將軍銀印一鈕後為高熙喆收去轉贈王文敏公懿榮今不知所在

漢蕃令之印



蕃縣漢置後魏於縣置蕃郡北齊郡縣俱廢隋於此置滕縣即今邑治印見于汪啟淑漢銅印叢今藏膠西柯君昌泗家

續滕縣志

卷五

漢合鄉令印



合鄉縣漢置後漢作合城晉仍曰令鄉北齊廢故城在今邑治東二十三里印見于高慶齡齊魯古印攬

漢薛令之印



薛縣古奚仲所封之國戰國時齊封田嬰於此秦置薛縣北齊廢故城在今邑治東南四十四里

漢薛令之印封泥



陳介祺封泥考略云右封泥四字印文曰薛令之印按漢書地理志魯國故秦薛郡高后元年爲魯國屬豫州有薛縣後漢書蓋延傳注薛縣故城在今徐州滕縣東南漢書百官公卿表縣令秦官掌治其縣萬戶以上爲令秩千石至六百石

續滕縣志

卷五

二十六

漢薛令之印封泥



陳介祺封泥考略云右封泥上又覆以泥遂成陰文反字右行與薛令之印封泥同出土中亦封泥未有之奇也

漢牟陽立食堂刻石

建初六年二月



建初六年二月乙亥朔廿

八日壬寅魯薛縣

續滕縣志

卷五

二十七

民

晉鄉

北別居任

里中 子牟陽

二守 及少子

駒 八人 十

陽在治 曾

直錢二萬五千

時于食堂

左右

后世子孫

盜冢者得毋敗壞

士大夫

信人

右石刻民國庚午山東滕縣出土藏邑人某氏家展轉得此初拓本字既漫漶拓本不精力爲審識僅認首行建初年月日朔定爲漢刻下則不能每行得其字句但以字之可識者隨行錄出而已然就可知者言之有子牟陽及少子 駒八人及食堂字蓋牟陽等所立先墓食堂漢時食堂之刻風

行徐兗亦曰石堂今傳世者不少多與畫象同出邱壟中此石橫刻直格與鄒縣萊子侯石廡邨兩石相同文字尤與石廡邨刻石爲近彼石無食堂字據知其所云面堂石工云云亦卽此類耳滕縣生君克昭纂修縣志見此拓本屬爲考釋藉以著錄爰略言之如右將來得精拓本或可詳識也癸未秋膠西柯昌泗

漢永元殘石

永元三年四月



永元三年四月

工成傳於後世敬白士大夫願


續滕縣志

卷五

二十九

毋毀傷願毋毀傷

右永元石堂刻石民國庚午山東滕縣出土藏邑人某氏家石存長方形高約漢尺尺許寬約三寸餘字大方寸共三行前一行存字半行諦審乃爲永元三年四月字其下蓋卽立石人名惜已殘缺合後二行已得其全文不知其前尚有畫象否與陽三老石堂記最爲相類亦與魚臺馬氏所藏永元石堂記體式略近漢石字小而精者殊可翫也文僅記石堂之成告後人毋毀傷可見當時風氣餘無可資考據者茲錄其文於右癸未秋柯昌泗識



漢永壽殘碑 永壽元年

倉龍庚午孟春之月百 死

公子百氏爲諦封 魯至於文

行尉 韋典牧文收惡 之功惠

歌誦東郡 聖罪 充 信地

和二子 安 灾 作迹

永壽元年 各 子午 子

出 郡太守 下

墓伯 視和我王 至 不足

太守 元聖 王得 此 措之

車百徂皆地震 刻石作封上

割奪 師之滅 則思 成

春秋之時鄭言 使 萬 受天 宗

初九之載 恤煥 心

宗 太守 功 柏 頌

董子狩不

決

闕全行六十下

此碑清光緒時邑治東八里董家村出土邑人高氏藏後歸
溷陽托活洛氏今在安徽至德周進家此石文極漫漶難識
今參採陶齋藏石記暨周進釋文手藁重為寫定釋文如右
端方陶齋藏石記云石上下殘缺廩存中段高約一尺八寸

五分上下不平寬三尺五寸五分十六行後空三行行十五
字至二十二字不等字徑八分分書兩旁邊闊五寸五分鐫
龜龍鹿馬等形陽文

又云審禪拓本得七十一字又不全者二字中有永壽元年
字而首行云倉龍庚午孟春之月按永壽元年歲次乙未後
三十五年歲次庚午為初平元年此碑當作於初平元年其
曰永壽元年者殆滌述前事也碑文有郡太守字典牧字功
德字歌誦東郡字後又有兩守字疑為東郡太守頌德之碑
德作惠與郎中鄭固碑同漢碑多以青龍繫年亦間作倉龍
倉蒼省高朕修周公禮殿碑初平五年倉龍甲戌與此政同

漢荅子管仲

等字畫像

題字
無年
月



清光緒三十四年出縣東董家村邑人孫道恩得之以贈高仲城宣統元年又移贈溇陽托活洛氏端方今不知所在陶齋藏石記未及著錄惟羅振玉補漢石存目卷下畫存中有此目注題字十一榜寶華庵藏端方又名所居為寶華庵而未知出於何地鄒縣董井山東金石志初稿著錄為管仲管仲妻畫像題字始注明滕縣所出據邑人生克昭藏拓本畫分三層上層缺其半存四靈之二青龍玄武兩形其上尚有畫像也中層有荅子婦荅子母荅子管仲妻管仲等題字五榜皆分書柯昌泗曰案劉向列女傳陶荅子妻在賢明傳齊管仲妾婧在辯通傳此石作管仲妻字畫清晰容君希伯云據此石觀之


管妾當爲管妻傳蓋誤字也漢畫像多喜用列女傳事武梁祠石室畫古今事迹閒有列女傳者此石則兩事合畫一層與傳相應知其刻畫純據向書足爲史籍之旁徵尤可寶貴蓋自列女傳成書卽施之於圖畫輯本劉向七略曰臣向與黃門侍郎歆所校列女傳畫女於屏風四堵與漢書序傳班伯見成帝屏風畫付踞妲已適亦同時妲己事卽見孽嬖傳也後漢書宋弘傳亦云御坐屏風圖畫列女可見後漢初年屏風畫式仍如劉向所言其後遂風行民間時時見於石刻據知畫本皆出於向歆父子非漫作者今列女圖久佚此等畫像卽作最古之列女圖觀可也下層像亦殘缺有太尉車

騎將軍司徒司空大鴻臚等題字五榜與後漢官制正合敘次以右爲尊亦漢時通制車騎將軍在三公之下見續漢書百官志劉昭注引蔡質漢儀亦云車騎將軍位次上卿此石以車騎將軍列於司徒司空之前當爲殊禮其人必有所指非泛畫也惟竇憲拜車騎將軍官屬依司空見後漢書本傳是憲爲車騎班列三公其位僅次於上公太尉或亦事所當然大鴻臚卽臚之借字續志大鴻臚掌歸義蠻夷此石三公之後卽序以大鴻臚者蓋所畫爲竇憲征北匈奴事憲時正爲車騎將軍此後始拜大將軍憲爲東海恭王外孫東海國兼有魯國滕縣在漢爲魯國地當時閭國戚建功其事遂流


傳於石刻畫象亦理所有也左邊尚有一行分書字爲 冢
門出入田伏壬辰冢 地方且 等字則刻石者之題記耳
石左側中作二立人像上下均缺石高約二尺二寸廣一尺
九寸五分側廣五寸

漢畫像石 宏道院第四石

左側闕




漢畫像石 宏道院第六石



漢畫像石 宏道院第七石



漢畫像石 宏道院第八石 左側闕



漢畫像石 西南鄉第一石



中華民國十八年間邑治北門外田閒出漢畫像三石十九年間邑治宏道院建築房舍掘獲九石又於邑之北門外東北厓頭北門外路旁及西南鄉三地各獲二石總十八石畫皆陽識均藏山東省立圖書館茲略記各石畫境于左方北門外田閒三石

第一石高一尺一寸一分廣二尺四寸二分石橫斷爲二上下方有綫闌左右刻雙龍鱗甲畢具尾相交石側高四寸九分廣二尺四寸二分左一人執物如囊右三人執弓向左射中有二物圓形下有座莫能名最右一柱有華蓋二層他二石殘毀已甚不能辨故不記

宏道院九石

第一石高五尺八寸八分廣一尺三寸四分四周雙綫闌畫似三龍糾繞石側高三尺五寸廣三寸八分四周單綫闌畫六鳥二魚

第二石高二尺一寸廣二尺三寸四周雙綫闌畫分三層上層二巨獸對舞右似花叢中層右一人伏地其左鞠膾一人立二人各捧物如卷軸殆束帛歟再左二人跪皆左向下層三車三馬車皆有蓋向右各車一人乘之一人執轡

第三石高七寸八分廣二尺一寸八分上截已殘損下方三綫闌有畫三層上層右方存三人中層左坐四人右坐三人

中隔如牆堵下層左方二車二馬車有蓋右向車皆一人乘
之一人執轡二車之前一人執蓋右向立右一人俛首左向
立再右一人像殘莫辨

第四石高二尺七寸廣五尺又六分左下凸出角高三寸五
分廣二尺五寸九分四周雙綫闌畫分四層一層八獸鬪舞
二層左一騎士後從一人均右向騎士之前二車二馬相對
坐御之人作勢若戰鬪然右車之右一獸右一器難名其左
二人立右一人跪似有所作再右二人對春極右一人手持
物一人頭戴物其物皆不知名三層正中三車三馬均右向
車皆設蓋前二車坐者御者皆見後一車設帷祇見御者前

車之前一騎士後車之後二騎士殆騶從儀衛歟極右鵠立
二人似迎迓者四層六人高冠深衣中二人執炬左向左二
人對立右二人亦對立石之左側高二尺五寸九分廣四寸
二分畫一鳳三龍
第五石高二尺八寸四分廣二尺四寸右方及下方有三綫
闌畫分四層一層右二獸左花叢二層左陳一器有蓋有梁
似卣右七人左向挨立前三人右手執物類杖或籥左手執
器若羽下垂似翻旌殆樂舞歟象後四人或執物類杖或執
二短棒不能名也三層左一騎士右向右三人拱立左向右
一人狀是擊鼓上設華蓋下跗伏虎若近世孔廟所陳之鼓

亭四層左二人相向立右一人背立狀似弄獸右一獸翹立第六石高二尺三寸七分廣六尺五寸五分上方及左右皆有三綫闌此石畫境奇古上方正中一室中坐一人左右侍坐各一人下方左右各一柱架梁柱左右旁出屋檐檐上各立一獸梁下畫分三層一層八人左四右三中一人作舞狀近舞者之左右各一人相對而坐人各抱一物似琴左三人亦坐手執物似翟右立二人狀若傾聽二層中立如牆堵上刻陰款似字非字牆堵之左右對坐各二人右方有圓物諸事泐莫能名三層中坐一人橫琴在膝左右侍坐各一人手皆執物難識中室之左上有飛鳥下立二人梁之上與柱直

立者有物似瓶繚以花飾再左爲鳳獸飛鳥之像旁立一人人首蛇身一手擎缶極左有室一楹上立四人微泐室內四人中二人對坐左右侍立各一人室外檐下二人對立柱旁檐下有四人像僅及胸檐外三人二人相背立一人像亦及胸左一人坐織機之前手似執杼二人立於織者之後柱左下方之左畫三人向右立作鞠躬狀再左一人向右立於楛棹下汲水極左二人右向立中室之右一獸仰立上一人長袖作舞狀梁之上與柱直立者亦有似花餅之物其頂一人舉臂殆尋橦之戲歟旁一立獸下坐二人右有華蓋一樹一飛鳥一牛一獸五人首蛇身像一車一上坐二人若共語者

二人挽之前立三人後立一人皆右向

第七石高二尺四寸廣四尺三寸三分上及左右有三綫闌正中畫分三層其左右畫分四層正中之上層中坐一人橫抱物似卷軸特長左右侍坐各一人皆人首蛇身尾相糾結左一層四人右向坐右一層六人左向坐皆執珪左二層二人對坐中隔若牆堵右二層三人左向坐中供品物一人右向作跪拜狀中層中植一樹或花左右有鱗鳳龜龍四靈及羣獸之像下層有人十四動作狀態不一老者杖扶幼者母攜窮畫工之妙惟微泐深可惜耳

第八石高二尺三寸廣五尺一寸九分左上凸出之角高八

寸七分廣九寸上方及左右有三綫闌正中畫分二層其左右畫分三層正中之上層中坐一巨人橫抱物如卷軸左右侍各一人皆人首蛇身左一層六人右向坐手皆執物難名右一層七人左向坐左二層一猛獸一人右向彎弓射之人之前後有鳥各一右二層一獸人立一人右向彎弓射鹿鹿後立一獸下層中間一座若船像之佛座左右垂長總座上坐一人左右侍坐各一人座下有飛鳥舞獸之橡左三層一亭亭內坐冠高冠二人右向亭外坐一人左向雜以花鳥右三層一樹枝葉扶疏上有棲鳥旁有三獸下有五人三人執花或禾左向二人扶犁右向匹馬在前曳引羈縻以繩石左

側高一尺四寸廣四寸二分高冠深衣三人下一人像已殘
第九石高一尺一寸三分廣五尺七寸八分四周陰文雙綫
闌中間雙魚左右有銀錠式花紋

北門外東北厓頭二石

第一石高二尺廣三尺八寸五分四周四綫闌中間雙魚左
右陰陽文斜方勝文中間各有小環

他一石已殘泐不記

北門外路旁二石

第一石高一尺二寸廣一尺又四分上方三綫闌四人對坐
冠如兜牟上有飛鳥左一樹

他一石殘損不記

西南鄉二石

第一石高二尺一寸八分廣二尺四寸四分四周雙綫闌畫
分二層上層二人對坐又短衣二人與獸搏鬪或角抵戲歟
下層一車一馬車張蓋一人乘之一人執轡前後騎士各一
皆右向前騎士之右一人拱立似迎候者

第二石高二尺一寸七分廣二尺一寸八分四周三綫闌畫
分四層一層中坐一人手執一物若今之旗幟左右皆坐四
人左右近中坐之人手亦執如旗之物二層四獸互鬪三層
左四人右四人相向坐再左再右各有一人像已泐損四層

一車一馬車有蓋一人乘之一人執轡車之前後有騎士各一皆右向

天津王襄曰右滕縣漢畫石十八方人物畫十方品物畫四方畫就殘損者四方其意法風致雄肆瑰奇頗相似惟西南鄉二石畫近秀整不施鉤勒與他石不同按漢之畫石多屬公卿墓上祠堂之壁所畫人物若爲聖哲故事若爲葬者平生宦蹟有嚮往前哲垂著先德之義閒畫神怪祥瑞以誌靈異知符命讖緯之說深中其時之人心自不覺盡情流露嘉祥武梁祠石室多聖賢君臣孝子列女神怪瑞應之畫魯峻石室畫像題字云爲九江太守時祀南郊從大駕出時肥城


孝山堂郭巨石室有儀衛騶從獻俘覆車諸畫皆紀葬者厯官事蹟胥可取證至陽三老石室畫像題字有志在共養子道未口感切傷心諸語藹然孝子之言路公石堂畫像題字有路公治嚴氏春秋之語漢書儒林傳云由是公羊春秋有顏嚴之學嚴彭祖東海下邳人也與顏安樂俱事眭孟孟曰春秋之意在二子矣所記與班說合堪資攷史讀陽三老題字與人風木之感其有補于世教深遠矣世之嗜古石刻者盍加意於斯他如畫中之車服器物研其法制有助多識其畫法意致足以津逮繪事亦志學者所不可翫置此十八畫石佚散重聚旣無題字其事蹟難得主名玩其畫殆非一室

之壁然石之上下時見凸出之角要爲築室砌壁之用了無可疑滕縣爲春秋時滕薛小邾故封時有周世彝器及漢石刻出土冀天假之緣脂車秣馬作訪古之遊幸事也

漢畫像石 第一石



漢畫像石 第二石



漢畫像石 第三石




漢畫像石 第四石



漢畫像石 第五石




漢畫像石 第六石



漢畫像石 第七石



漢畫像石 第八石



漢畫像石 第九石



漢畫像石 第十石



民國二十二年邑治北三十里黃家嶺出漢畫像二十二石

茲選錄九石

第一石至第九石

又一石未詳所出並附于後

第一石高一尺八寸廣三尺畫分五層上三層爲房屋人物
四層人皆跪伏舉手執物五層車馬騎士

第二石高二尺五寸六分廣五尺四寸三分畫分四層一二
層人皆跪伏拱手或執物三層騎士四層車馬

第三石高二尺五寸八分廣五尺六寸畫分四層一層走獸
之屬二層人獸搏鬪三層騎士四層車馬

第四石高一尺六寸八分廣五尺六寸二分畫分二層爲人
物故事

第五石高八寸二分廣五尺三寸畫一層爲車馬騎士
第六石高一尺六寸廣五尺六寸畫分二層爲房屋人物
第七石高七寸三分廣五尺七寸三分畫一層爲牽船捕魚
第八石高四尺二寸三分廣一尺一寸五分側廣六寸四分
畫分六層爲人物故事側爲一龍蜿蜒起伏
第九石高二尺一寸五分廣三尺三寸二分畫魚鳥之屬
第十石高二尺七寸三分廣三尺五寸六分畫分三層一層
中爲王者其兩旁之臣或跪或立二層爲飛禽走獸三層爲
車馬騎士膠西柯昌泗君藏拓本

漢畫像西牖題字 舊出滕縣曹王墓委棄古寺中民國十九

年日照王獻唐訪獲當時縣中所出漢畫像石甚多有字者
僅聞此一石而已

漢秦君碑 無年月隸書 在城東四十里堽城 文見金石
文字記道光志漢碑錄文

金石文字記云滕縣東四十里馬山後有古城半圯于河土
中得此碑

晉韋子平石碣

大康九年四月

解飛者石虎時工人造作旃檀車左轂上置磴右轂上置確
每行十里磨麥一石舂米一斗此則與說文義合且可見當
時二物相並爲用音又相同是以通爲一字此磴遂合書之
匪直據補分書字體亦足徵製磨之風尚矣


唐馬珍墓碑 調露元年立 正書篆額馬君之墓誌五字

藏邑人高氏 文見道光志

唐王寶詮等造象碑 周證聖元年八月立 正書篆額割牛
溝小石橋之碑八字篆額兩旁及上截皆刻姓名下截文十
九行字徑八分 碑首佛像三剝落將盡 高三尺五寸五
分廣一尺八寸 在城南五十里割牛溝上 文見山左金

石志道光志各有正誤可互校也

唐劉文秀造像碑 周長安三年立 正書 上截正中佛像
兩旁發心主姓名下截文十八行行三十二字 高五尺餘
廣二尺一寸



大周長安三年歲次癸卯 匝癸巳朔八日庚子 施主
劉文秀

原夫伽鏡先圖遐觀 典咸營 塔皆葺龍宮共想雞園
同開鹿苑 伽藍以祈來果芝山寺者蓋置

芝山之下曰以爲名敬造舍利塔 官屈

此分派他川行者大乘爰 小寺生 有 淨業 成

曾文與曾 靜曾果意馬大 吳

節楊文 八庄等並誠 化 之勞

幼奉過庭之訓不慕金張之勢而希銀 之心人

班匠運其量摸工輸擅其斲削是以置日

續滕縣志

卷五

五十一

圭而準臬 略 並亘 虹艷於

晨霞綺棟孤標芬桂香於夜魄樓高拂

聳冀擻紺極以飛棖綺井垂蓮浮定水而疏葉

雕龍 布葉 朝日以垂陰

金柏開花迎夕風而引 塔中

相磬叡思於百工八土種 盡疋嚴於四輩加以山

川 冬柏葉浮香三匝桃花散

錦幡揚五彩 八方 林

北望魯堂每思絲竹之 東 瑯耶之郡葛亮卧

之 西接胡 之 所於是

之 剪 之林聞法鼓之音起菩提

樹此豐碑用使逦久天長金石 在以偈頌曰 玄

宇赫矣仙

啓南吳寶池成法紺座垂摸其一

檀思無 洪慈 廣道 梵明

龍龕

畫像其二 巍巍舍塔亭亭鍾樓一經構豎仍歷千秋浮生永

際 之寺 因之

文章

度 免

唐善垵村造像碑 天寶三載十一月立 正書 上爲佛像

三尊上截文二十行行九字下截當陽主菩薩主碑主施主

姓名碑側碑主施主姓名五行下有 大宋國沂州永縣檀山

鄒江青村善垵曠信佛弟子王全曾建立記 高約五尺廣
一尺三寸側高四尺一寸三分側廣四寸六分 在城東五
十里善垵村



維大唐 寶三載歲次甲申十一月庚申朔八日丁卯瑯
琊郡丞縣安城鄉善堠村壹伯叁拾餘戶 大小壹仟
伍伯餘人 建立齋廊主孫法 隨力營三面 并
建造佛堂一所銅鐘一 佛像建立幢 諸 身皈
涅盤其時村中同結 緣世三人等各咸淨財施用助成
功德今庄嚴圓滿上爲國王 帝主下及師僧父母法界
蒼生并及合村戶衆普沾斯福恐後無憑敬造碑壹所鐫
名於後同傳万世

唐興國寺碑 天寶十三載十月立 正書有額碑文二十行
字徑八分 碑高四尺一寸廣二尺三寸 在城西北十五

里白了村寺內 文見山左金石志道光志可互校

唐壯觀二大字碑 李白行書 在縣署前福神廟 碑陽爲
明弘治九年重修滕陽驛記

壯觀二字字大二尺款署太白二字在左下角字大二寸
李日華六研齋三筆卷二云余過滕於察院庭中見石刻李
太白書壯觀二大字今閱金鄉縣碑目亦云儒學有此二字
其碑陰刻云賀知章爲任城令與白友善過城鎮有所觀覽
書此二字蓋元新豐里人得此於沛中置諸堂元末兵亂仆
於草萊國朝徙置今所豈又一石耶大都名賢之筆傳摹轉
徙不一而足者多矣

唐濟陰郡故君張敬祖石塔銘 無年月 正書 碑陰佛名

碑字泐蝕太甚不可讀 民國二十年出土移在縣學

唐張圭墓碑 在城東北九十里鳳凰嶺前居人掘土得碑字剝蝕不可讀僅識唐宰相張圭六七字考唐書宰相表無此人

唐駙馬陳燕墓碑 在城東北八十里祝溝

山左碑目金石彙目載其目云在鳳凰嶺山東古物調查表云在祝溝 唐御史陳鐸墓在其旁亦似有碑

後唐伏羲廟碑 長興四年十二月立 徐震行書 碑高四尺八寸廣二尺一寸 在城西北四十五里染山伏羲廟

續滕縣志

卷五

五十四

山左金石志卷十四云右碑文十七行兩旁又刻施主姓氏七行字體大小不一額題染山耶孃廟碑記正書七字碑文鄙劣書體多譌茲皆不錄

宋賢目夷君墓碑 熙寧五年仲春傳堯俞立 篆書二行 碑高六尺二寸廣二尺又五分



宋賢目夷君墓

皇宋熙寧五年仲春吉旦徐州知州傅堯俞立


目夷宋襄公茲父庶兄字子魚初桓公有疾太子茲父固請曰目夷長且仁君其立之公命子魚子魚辭曰能以國讓仁孰大焉臣不及也且又不順遂走而退襄公卽位使爲司馬宋爲鹿上之盟以求諸侯于楚目夷曰小國爭盟禍也不聽及與楚人戰于泓楚人未旣濟請擊之公不可旣濟而未成列又以告亦不可旣陳而後擊之宋師敗績

傅堯俞字欽之十歲能文未冠及第元祐中拜中書侍郎卒諡獻簡宋史卷三四一有傳熙寧三年授直昭文館權鹽鐵副使俄出爲河北轉運使改知江寧府徙許州河陽徐州再歲六移困於道路徐人告有談天文休咎者堯俞以事未白不受辭談者後伏誅堯俞坐不卽捕削官職而能於是時表宋賢之墓亦難能也

宋滕縣公堂記碑 元豐元年七月立 蘇軾撰 在縣署前
文見東坡集及道光志

宋天齊廟碑 崇寧二年正月立 正書碑文十六行行四十字字徑七分 在城西北三十里和福村

宋李氏瑩域香幢記 大觀元年立 正書八面每面四行行十五字 幢高一尺二寸每面廣三寸五分 在天齊廟



李氏瑩域香幢記

夫孝者生事之以禮死葬之以禮祭之以禮旣存能竭力以事敬養死能竭力以盡葬祭其人之奉親極於此矣隴右李君端元少孤養能守常向啓終孝之誠卜瑩兆安厝其考妣開囊篋發儲蓄罄其所有方得畢辦後十載命工以石鑿香幢置明堂之前以備時祀期之永遠足見孝敬之心也磨方面命野略題之宗氏 府君諱允恭定武人也東頭供奉官諱機之孫因侍親南方道復齊魯遂寄于滕公之性溫厚勤種植好佛事孝親姻族敬長信友服食儉素論議緣覺有恆產恆心學無人無我禪伯推重善

因而福果老農誠服春種而秋收顧義棄利操能克仁與東山白社二三君子日夕相聚翫叢林之書談耒耜之利不喜妄幻性尚樸拙可謂純德者也壽不終其耆耄命矣夫元豐甲子以時疾卒于舍享年四十四元符戊寅十一月十六日庚申葬于滕之東北烏溝村溲陽里之原室家鄭氏祔焉府君二子長曰端元次日聚令有二孫皆幼孺未名幢成之際見託斯文義不敢辭紀之以實非謂僭焉時大觀 亥季秋望日段干趙野記溲陽時效書

滕城東北隅嶽廟中有北宋李氏瑩域香幢石記段干趙野筆也未署時效書字畫遒勁酷類當時蔡元長一派石文通

體完整惟大觀下缺一字下亥字僅存半文考之續通鑑決爲宋徽宗大觀元年丁亥者是野開封人宋史有傳段干史記正義爲衛邑與開封合滕時氏故宋望族蘇文忠有滕縣時同年西園詩元林君靜樂園記指時氏園爲德鄰近時邑孝廉黃冶山先生作時氏園石記深以其名不傳爲憾余按幢記大觀丁亥上距坡公嘉祐登第已四十餘年西園主人其猶靈光獨存耶里居姓氏閱七百餘年獨以是幢得傳抑又幸矣惜冶山先生未之見不獲與西園遺石並傳也幢之始甯陽張君丙炎石碣村辨云昉自唐寫經者曰經幢亦曰石幢類皆供之佛座陸魯望詩云山僧禮石幢今潤州寶墨

亭有天寶閒經幢任城資福寺有石晉經幢是幢亦足與後先輝映矣會京江徐警盤土銘捐資種福紺宇一新冶山先生宗人石坡丈聞余說欣然憇覆之亭以存遺蹟介邑上舍鄭雲峯屬余掇其略焉同治歲次癸酉七月朔丁未後二日雲閒王保建跋

宋魚棠王希墓誌 僞齊阜昌三年九月立 在城西五十里東蓋村後 文見道光志

宋三省同奉聖旨存留寶塔院記 僞齊阜昌四年四月立正書有額 文二十三行行五十六字 高三尺九寸廣一尺六寸三分 在城西二十五里北轟寺



三省同奉聖旨存留寶塔院之記

武寧軍給

准尚書省劄子徐州滕縣禮教鄉北聶村管句無名

院賜紫僧明覺大師惠威狀伏爲本村有古院呼爲寶塔院蓋到佛殿法堂寮舍屋宇共叁拾間其供養諸般功德佛像每遇水旱村民詣院祈 皆獲感應觀崇寧二年八月八日勅無名額寺院各合存留切念本院實爲古跡慮恐依前項朝旨合該存留伏乞指揮許令存留仍乞本州出 公據付本院收執永遠照會伏候指揮檢會崇寧二年八月八日勅中書省尚書省送到禮部狀提點福建路刑獄公事周誼奏體訪得福建路多私造佛寺計構官司收入帳籍皆是試經不中或曾犯刑責童行及鄉村媮墮之人緣化創置男女雜居無所不至非特傷敗風教凶年

饑歲皆盜賊淵藪伏望時賜指揮應不係勅額寺院並不許存留仍 有司嚴立條制伏候勅旨黃貼子稱治平四年正月內無額寺院已准朝廷取會屋及叁拾間以上者並賜勅額以聖壽爲名其餘皆不許存留伏望與免根治止從改正本部尋符福建轉運司相度今據本司州管下寺院卽無曾犯刑責童行等及據逐州軍具到寺舍共叁千肆百陸拾貳所並不經賜勅額額數內叁千叁伯伍拾所係治平四年正月一日已前建造已入省帳拘管知有壹伯壹拾貳所在治平四年正月後來係鄉民自己脩蓋者經脩 各或安居若一旦盡行毀拆不獨徒衆遂無所

歸兼恐因此驚擾別致生事今相度欲且據數存留令州縣分明置籍管今後更 得輒有添造如向 或敢停藏盜賊男女雜處諸處作過並委所屬州縣根治依法施行 隨事立便毀拆及契勘州軍管下不係勅額寺院皆治平四年正月以前建造當時爲僧徒失行經官陳理乞賜勅額以此只係省帳拘管除及叁拾間以上外有壹仟壹所雖不及叁拾間緣各有功德佛像今來各合存留並令逐州縣分明置籍拘管不得輒有添造本部看詳欲依福建轉運司相度到事理施行伏候指揮仍連元狀八月七日三省同奉 聖旨特許存留如諸路更有似此去處

依此今後輒置寺院者仰所屬常切覺察依條施行右劄付徐州勘會本院如係崇寧二年八月八日許存留指揮已前脩蓋卽仰本州出給公據付本院照會存留施行准此尋付滕縣勘會本院於甚年月日建置屋宇閒架具明申州施行去後今據本縣狀尋差人勘會去後今據所差人取到北聶村李諒等供析古老相傳寶塔院見有石塔貳座上有銘記字乾元元年六月十二日建大殿捌間法堂陸間等共叁拾間其殿宇佛像委係崇寧二年已前脩建所供是實詣實保明文狀係案呈奉 判依 右出給公據付僧惠威准此收執照會存留本院政和六年七

月初五日給 將仕郎儀曹掾權儀曹宋 將仕郎司儀曹事鄭 承議郎司錄事權通判趙 宣教郎通判軍州管句學事趙 中奉大夫權知軍州管句學事孫 皇子少傅武寧保平軍節度使 時大齊 阜昌四年歲次癸丑四月丙戌朔初八日建記 住持管句院事僧守漑 建立碑前管句僧守淵 祖師建院取存留講經律論 傳大乘戒賜紫僧明覺大師惠威 度門人小師守廉 守漑 守淵 守忠 守温 本院當講賜紫僧慧誠 廣亾 子浩 子華 尼廣福 廣雲 悟深 智淨 宋柴仙姑碑 在皇姑山

金雪山靈芝寺碑 天會八年立 在城東六十里雪山靈芝寺

金神農黃帝祠堂記 貞元二年三月日緒男許用寶光塔院僧普則同立 朱曷撰并正書 碑高五尺六寸五分廣二尺二寸 在城西北三十里和福村 文見金文最

金唐括公墓碑 正隆間立 在城西南六十里

金福勝院勅牒碑 大定三年正月立 隴西李傑撰釋普深正書并篆額 上層刻大定三年正月勅牒一道下層刻福勝院記二十一行 碑高五尺二寸廣二尺三寸 在城西北三十里和福村院內 文見金文最

金重修昭慶院碑 大定四年四月立 鄉貢進士成滋撰 高七尺六寸廣三尺一寸 在城東二十五里靈邱城

金興國寺勅牒碑 大定五年五月立 鄉貢進士奚宇撰并正書篆額 上層刻勅牒一道下層刻興國寺記二十八行 高六尺七寸廣二尺九寸 在城西白了村 文見金文最

金太平院碑 大定拾年乙酉月住持管句淨 立 本里鄉貢進士奚宇撰并正書本軍孔目許銳題額額篆書勅賜太平之院兩行六字 上層爲大定 年尙書禮部牒下層爲勅賜太平院記文二十三行行三十六字 高六尺四寸五分廣二尺四寸 在城西十五里古滕國西北三里公丘城

金興國寺新修大殿碑 大定十二年十月立 鄉貢進士滕陽軍學錄陸秉均撰并正書 上層刻記文二十八行下層刻舊大聖院存留公據二十六行天眷元年八月二十五日付僧圓義收執 高六尺二寸廣二尺六寸 在白了寺村 文見金文最

金十方地藏禪院碑 大定二十一年八月立 高七尺四寸三分廣三尺 在城西南二十五里級索鎮

金重修伏羲廟記 大定二十五年三月立 鄉貢進士趙大鈞撰鄉貢進士孟居簡正書并篆額 文及年月銜名凡二十三行 高七尺三寸廣二尺七寸五分 在城西北四十里梁山伏羲廟 文見金文最

金清涼寺碑 大定閒立 王奉璋撰 在城西南二十五里漢宮村清涼臺

金清涼寺碑 大定閒立 僧月曇撰 文見道光志 在城東北三十里東郭村

金宋學士徐元振墓碑 明昌元年立 在白了村

金勅黃顯慶寺記 明昌元年十一月立 鄉貢進士州學學錄徐安稷撰鄉貢進士陳博正書 高八尺二寸廣二尺九寸五分 在城南關外路西

金唐英公李世勣碑 明昌四年立 鄉貢進士州學正路藻撰 文見道光志 在昌慮城東

金山陰石像 明昌五年立 在城內書院後

此金之滕陽軍山陰村地也石像背後泐有明昌五年居民孫某禍福災祥造斯神像等語字多模糊不可識蓋亦捍禦保障之意也因以暴露葺而龕之以存古跡于不朽云清嘉慶十二年葭月邑人徐縉文撰并書

金彌勒寺碑 承安三年立 殷常撰 在城東南一百十里 郟山彌勒寺

金地藏院公據碑 承安四年十月立 正書 上層刻公據二道下層刻寺尼眷次序譜及年月立石人名氏 高七尺 廣二尺八寸 在城西二十五里級索鎮

金蓋氏先塋碑 承安五年立 金鄉貢進士奚拱辰撰 文見道光志作蓋村蓋氏碑 在城西五十里西蓋村後

金昌氏墓誌 泰和二年甲辰月立 里人茆訢正書 額篆書昌氏墓誌四字碑陰上爲佛像下爲佛經 高四尺廣二尺一寸 在城西三十五里陽温村後

金休城村洪福院記 大安三年丙申月僧福慶立 里人鄉貢進士楊大榮述茅大成正書劉沂篆額 額洪福之院四字上層刻大定四年四月尚書禮部牒下層刻洪福院記記文二十一行行三十一字 高五尺八寸廣二尺二寸 在城西二十五里休城村

元創建雲峯觀記碑 至元九年壬申甲辰月立 敷玄冲和
大師茅志宣撰篆額并正書 文二十二行行六十一字
高六尺七寸五分廣二尺七寸 在城東五十里善垆村
元十方重陽觀記 至元十年四月立 雪山雪峯萬壽宮敷
玄冲和大師茅志宣撰書并篆額 高六尺六寸二分廣二
尺五寸五分 在城西三十五里陽温村
元滕州重修文廟記 至元二十八年正月立 將仕郎孔顏
孟三氏子孫教授曹太本撰海北廣東道提刑按察副使李
克忠正書德平縣尹劉鑄篆額 額重修文廟之記兩行六
字文十七行行三十七字 高五尺二寸廣二尺六寸 在

縣學

元靈泉寺碑 至元間立 朱璋撰 在越峯山
元重修三殿廟記 元貞元年正月立 蒙泉林嗣公撰壇山
周仲明正書并篆蓋 高六尺五寸廣二尺六寸二分 在
城南四十里薛城
元龍泉寺碑 大德三年十月立 林應開撰并書 在城東
北二十五里龍山峪 文見道光志
元重修洪福院記 大德六年壬子月立 道可述畫蓋正書
高七尺九寸廣二尺九寸五分 在城西二十五里休城村
元加封孔子制詔碑并陰 大德十一年七月立 正書 文

十行字徑二寸五分 高六尺六寸廣二尺二寸 在縣學
元釋迦院碑 大德閒立 院建于宋大中祥符閒 在城東
北百二十里樵山前青義村
元重修顯慶寺碑 延祐七年三月立 同知河州等處軍民
帥府事山泉楊玉譔并正書前嶧州達魯花赤薛雲帖木兒
篆額 文二十八行行八十二字 在城南關外路西
元滕文公祠碑 延祐閒立 在縣學
元雲峯萬壽宮碑 至治元年十一月道士劉道源立 翰林
院大學士陳林譔并正書 文三十三行行八十四字 在
善壩村

元三皇廟碑 泰定閒立 曹元用撰 在城西南
元滕州性善書院學田記 至順元年虞集撰 文見道園學
古錄道光志
元滕州新修東嶽廟記 至順元年虞集撰 文見道園學古
錄 在城外東北隅東嶽廟
元滕縣學田碑 至順二年三月立 虞集撰拓跋旭暉正書
李徽篆額 文二十二行字徑一寸 高七尺七寸廣二尺
六寸 文見道園學古錄道光志 在縣學
元重修公廨碑 至元六年十月立 眞定路深州判官周紀
撰翰林待制僕玉立篆額書人名泐 文二十六行行六十

餘字 在縣署前

元禮部尚書劉公墓碑 至正十年二月立 賜進士出身益都路同知滕州事魯台正書 高六尺七寸廣二尺七寸五分 在城西北二里教場

元存心堂碑 至正十一年四月立 劉逢源撰文見道光志
元重建雪山靈芝寺記碑 至正十一年己亥月僧智慶立正書

元敕賜滕李氏先塋碑 至正十四年二月孝孫李稷立 翰林承旨歐陽玄撰河南行省參知政事趙期頤篆額中書左丞烏古孫良楨正書 文三十六行行一百十五字 高九

續滕縣志

卷五

六十七

尺四寸五分廣三尺八寸 文見道光志 在城西北郭外

元蘇氏先塋碑 至正二十年立 鄉貢進士孟仁撰 文見道光志題蘇氏祖塋記

元靈芝寺記 至正二十三年立 前鄉貢進士王國楨撰并正書篆額 額雪山靈芝寺記兩行六字文十六行行四十九字 在善堦村

元靜樂園記碑 林應開撰 文見道光志 在城西南郭外
梁水之陽

元靜樂園記碑 曹元用撰 文見道光志 所在同上
元王英遺愛碑 鄒襲撰

元馬史盛去思碑 黃文雍撰

元存心堂四絕句石刻 班彥功書 在性善書院

元丹陽洞三真人像贊 在城東五十里薛山悟真巖

元魯將軍神道碑 在大道旁

明敕賜城隍誥命碑 洪武二年四月滕州知州薛原義立

高五尺二寸廣二尺五寸四分 在城內西南隅

明重修龍泉禪寺塔記 宣德三年六月立 鄉貢進士滕縣

儒學教諭古睦項理記 高一尺九寸二分廣六尺四寸

在城東一里

明罪塑毘盧佛像記 宣德三年六月立 古睦項理撰 高

二尺四寸廣五尺一寸 所在同上

明莊塑釋迦佛像記 宣德三年立 鄉貢進士滕縣儒學教

諭古睦項理撰 高一尺八寸廣六尺二寸 所在同上

明蔡氏祖塋宗圖之銘 正統元年三月立 將仕郎江西饒

州府儒學教授嚴陵項理撰 滕縣儒學訓導陽夏田潤書

高八尺五寸廣三尺二寸 在城西里許閭驅嶺

明滕縣重建城隍廟碑 景泰五年八月立 翰林院學士知

制誥淳安商輅撰太子少保經筵官嘉禾俞綱書翰林院侍

講學士經筵官錢唐倪謙篆額 文十八行行四十七字

碑陰之記滕縣儒學教諭吉水王齊撰庠生杜紀書

高六尺五寸廣二尺五寸 文見道光志 在城內西南隅
明重修染山元始人祖廟記 天順元年九月立 高四尺六寸廣二尺三寸 在城西北四十五里染山伏羲廟

明重修人祖丹泉記 成化元年十一月立 風水生王道沖篆額并撰書 所在同上

明重修染山人祖廟記 成化十一年七月立 山西堯都清粵道人李景雲撰書并篆額 高四尺八寸五分廣二尺二寸五分 所在同上

明重修東嶽行祠記 成化十六年三月文林郎滕縣知縣河間府南皮劉愷立 丁酉科鄉貢進士署滕縣儒學教諭事

進賢趙總撰賜進士出身山西按察司按察使滕縣 材篆額吏部聽選國學生杜 書 高六尺五寸廣二尺七寸 在城外東北隅東嶽廟

明唐聖水院記 成化間文賢重修教諭趙總撰 在城東北一百二十里述山東麓

明重修滕陽驛記 弘治九年九月重陽日驛丞慈谿桂文立 賜進士出身四川道監察御史慈谿沈元撰魯府長史司右長史錢唐石磐正書并篆額 額重修滕陽驛記兩行六字文二十二行行三十八字 高四尺八寸廣二尺一寸 在縣署前福神廟

明重修染山伏羲人祖廟碑記 嘉靖元年十二月立 高五尺七寸廣二尺八寸五分 在城西北四十五里染山

明修湖山陵成記 嘉靖二年孟夏立 魯藩撰 文見道光志 高四尺二寸廣一尺七寸 在城東南二十里孤山營三官廟

明重修重陽寺記 嘉靖三年十月立 邑儒學生員楊愆忠撰 高六尺八寸五分廣二尺五寸五分 在城西三十五里陽溫村

明重修東嶽廟記 嘉靖十四年三月立 邑庠生侯敏撰 高六尺九寸廣三尺又五分 在城南四十里薛城

續滕縣志

卷五

七十

明生君宗睿墓碑 嘉靖十七年十二月立 兗州府儒學庠生闕里張進敏撰東魯董榮篆額江右何敏書 高六尺一寸廣二尺又六分 在城西四十里望塚西生氏先塋

明重修福勝院記 嘉靖三十八年十月立 邑庠生蔣鉞撰 陝西慶陽府儒學教授趙昂之子龍躍正書 高六尺四寸五分廣二尺一寸 在城西三十里和福村

明創建泰山聖母行宮記 萬曆元年正月立 太學生桐峯張炳撰邑人李明貴正書 高七尺廣二尺六寸 在城東郭外

明重修染山人祖廟記 萬曆二年十月立 高五尺八寸廣

二尺二寸 在城西北四十五里染山

明修建玉皇廟碑 萬曆五年孟冬月立 鄉進士知陝西藍田縣邑人侯維藩撰生員甘仁正書并篆額 文十八行行六十四字 高六尺六寸廣二尺二寸 在城東南滕文公廟前

明新建玉皇大帝廟碑 萬曆五年孟冬月立 賜進士第湖廣承天府知府邑人王元賓撰生員廖允中書并篆額 文十八行行六十四字 高七尺四寸廣二尺二寸餘 所在同上

明重修洪福寺記 萬曆八年三月立 邑處士王大賓撰邑

庠生王楠書 高六尺一寸廣二尺六寸 在城西二十五里休城村

明重修伏羲女媧廟記 萬曆十年七月立 濟甯州張有年撰 高五尺廣二尺三寸 在城西四十五里染山

明重修興國禪寺記 萬曆十五年四月立 欽差遼東冀北道遼海東甯道山西布政司左布政使王中鴻撰 王家民書 高七尺四寸廣二尺三寸五分 在城西十五里胡村
明故壽官松溪龍公暨配王孺人墓表 萬曆二十四年十月
孝子龍在田等立 賜進士第翰林院國史檢討卽墨周如砥撰賜進士第河南府知府邑人張中鴻篆額賜進士第吏

部文選清吏司主事邑人黃中色正書

明重繪人祖廟聖像記 萬曆二十六年三月立 張有年撰
書并篆額 高五尺七寸七分廣二尺五寸二分 在城西
北四十五里染山

明重修洪福寺記 萬曆二十九年五月立 邑庠生金奎光
撰并正書篆額 高七尺二寸廣二尺五寸五分 在城西
二十五里休城村

明重修洪福寺記 天啟元年四月立 至聖六十四代庠廩
生孔尙炳撰雲衲智叢篆額並正書 高七尺二寸廣二尺
五寸五分 所在同上

續滕縣志

卷五

七十二

明重修儒學鑿泮池記 天啟四年八月立 邑人董國光撰
在縣學

明重修興國寺記 天啟五年二月立 巡察直隸監察御史
中山趙應期撰葛承宗篆額并正書 高六尺又五分廣二
尺二寸 在城西二十里白了寺村

明荆河石壩記 崇禎元年八月立 邑人張盛美撰 文見
道光志 在城東三里洪村天啟七年建
明重修伏羲人祖祠碑 崇禎元年十月立 邑人張彩撰
文見道光志 在城西北四十五里染山

明祭義士魏顯昭文 崇禎二年甲寅月立 欽差分巡兗東

督餉兵河道右參議永城王三德撰 高五尺八寸廣二尺七寸 在城東關外南閣下道左 文見道光志

明重修地藏寺碑 崇禎三年季春立 湖廣德安府推官里人顏守耕撰鄉進士王新命篆額歲進士龍爲霖正書 高六尺七寸五分廣二尺六寸五分 在城西南二十五里級索鎮 文見道光志

明尊經閣記 崇禎四年立 邑人張彩撰 在縣學後 文見道光志

明重修白龍庵記 崇禎三年季秋立 南京刑部湖廣司郎中張彩撰 高六尺七寸廣二尺又五分 在城西南三里

南梁水之陽

明重修三官殿碑記 崇禎八年七月立 北京貴州道監察御史張盛美撰庠生張兆佳書 高七尺三寸廣二尺四寸 在城外東北隅天齊廟

金石補

漢顏氏昆弟六人刻石



累 興名冗 以十一年十月十五日 此

如禮後子孫無以 日祠使石工書

顏文羽昆弟六人弟仲文伯先仲京少文

母以永元十年七月廿七日 不幸母年八十七

右顏文羽昆弟六人刻石近出山東滕縣城東城頭村邑人楊知性訪得拓本石作長方形分三層上層刻字中層畫像爲人形下層匡郭中無字中下雨層左右依稀似有字迹石泐已甚不能確定也惟上層字雖可辨而刻畫簡率不能悉識其文從左而右凡四行詳爲辨釋略得其大意爲顏氏昆弟母墓刻石蓋亦石堂之類其云使石工書者六人中皆不

能書而石工所書又不能不可見制作之樸陋與樊敏碑出於石工劉懌息盛之手者文野有霄壤之判矣甲申四月膠西柯昌泗

唐瑯琊郡丞縣 鄉龍花里谷固村李元璋等造經像碑 天寶十二載四月八日立 正書 碑首爲佛龕形龕下左右又爲兩龕中間刻畫象右方爲標題年月郡縣鄉里姓名等五十六字一行直下中層刻心經一卷十四行行二十二字下層題名共十五行前一行上自中層起約廿二字中間十三行行十字後二行又提行上及中層之左方一行約二十二字一行約三十三字 高五尺八寸廣二尺一寸 在城

東雪山未見著錄茲據膠西柯君昌泗所藏拓本錄存其目
因此碑除經文外俱係題名別無文詞可資考據無需錄其
全文也

宋蘇文忠畫竹石刻 宣和三年 韓崇寶鐵齋金石文跋尾
云右坡公畫竹二枝分刻兩石在沛縣歌風書院之吳公祠
中有題記云東坡先生與叔祖山陽掾暨先大夫實同榜契
雅相嘉重熙寧中守彭門叔祖通直赴約戲寫筇竹二枝曰
觀此如何叔祖曰高節直幹此如學士立身許國于今四十
餘年矣乃刻石傳久云宣和辛丑冬至日朝奉郎通判許州
時豐 立石細審豐下缺一字是雙名按坡公集守彭城時

有滕縣時同年西園詩五古一首或卽其人之父祖特無從
考其名號官爵耳

案時氏在宋爲滕縣舊族此石爲宣和閒時豐 所刻者其
時蘇書之禁未弛碑石多遭鑿毀而時君獨以墨迹上石且
詳記先世交誼藏諸其家其風誼有足多者此石自當在滕
不知何時流轉隣境遂得移置沛縣書院也由宋至金滕沛
同屬徐州東坡守徐翰墨流傳於滕者惟西園詩暨此畫耳
韓履卿跋考之極詳有裨滕縣故實此石旣爲沛縣所保存
自明以來分在兩省雖近在百里間而訪碑者罕知注意律
以著錄之例當仍列入本書石刻類也甲申四月膠西柯昌

泗

附魏公邱長霍君神道關

此石雖非本縣出土以其與掌故有關附著於後詳藝文附錄



右滕縣續志同邑高仲城先生著也先生清季史官道德文章爲世推重是書經始於癸酉越一載而成其義例精審足與康對山陸清獻陸祁孫諸家後先輝映稿成藏縣署未梓歲戊寅邑遭兵燹署中圖籍散佚問是書無知者昭 搜求久之不可得一日張金元吳象揆二君來告曰書固在今藏張君守斌家也昭 亟與楊君知性逡錄副本先生哲嗣延柳君謀刊之顧費無所出先是奉軍因戰事壞城垣先生捐貲修葺昭 與先兄克中嘗各助田五十畝歲以所穫供繕修費昭 因取所助田五十畝鬻錢得今幣五千二百圓以充剗刷之用同屬一邑公事移彼就此知我者當不我罪也先生夙受知於安陸陳文恪公館其家者有年庚辰春昭 攜志稿走京師將鐫之梓獲見文恪冢嗣墨香部郎知爲先生高足弟子因出稿乞其讐校慨然允諾張教授少元邃於經史以治小學

續滕縣志

跋

一

稱於時昭 復勾其校閱稿中重刊通紀二十一葉其所訂正者尤多舊志故無金石一門昭 往來京津數年蒐得吾邑出土周金文四十事漢印五鈕暨漢晉唐宋畫像碑碣拓本二十六通思附印卷末夙慕天津王綸閣東莞容希白膠西柯燕齡諸君子嗜古多識躬往就正備承教益且爲之審慎抉擇別類編次既製版摹印幸得附先生驥尾焉不幸世亂日滋物力逾絀曩者鬻田之資用猶未足昭 復廢斥祖產哀集十萬餘圓乃得不潰於成王君斗瞻言於天津華壁臣大卿聞而嘉之爲之題耑以彰其盛昭 何人斯敢荷此任乃由諸大君子誘掖獎勸玉成其事雖艱阻備嘗卒能竟先生未竟之志張君守斌受謝縣長錫文之命奔藏無數一邑文獻賴以不墜其功尤不可沒也書既成因述其原委如右甲申秋八月生克昭識

